



KERAJAAN MALAYSIA

**SURAT PEKELILING KEMAJUAN PENTADBIRAN AWAM
BILANGAN 2 TAHUN 2019**

**TADBIR URUS KUMPULAN WANG AMANAH
PEMBANGUNAN PROJEK ICT SEKTOR AWAM**

**UNIT PEMODENAN TADBIRAN DAN PERANCANGAN
PENGURUSAN MALAYSIA (MAMPU)
JABATAN PERDANA MENTERI**

KANDUNGAN

PERKARA

MUKA SURAT

Tujuan	1
Latar Belakang	1
Keahlian JKWAICT dan JTKWAICT dalam Tadbir Urus KWAICT	2
Pemakaian	2
Tarikh Berkuat Kuasa	2
Pertanyaan	3
Senarai Lampiran	4
Lampiran A	5
Lampiran B	7

**SURAT PEKELILING KEMAJUAN PENTADBIRAN AWAM
BILANGAN 2 TAHUN 2019**

**TADBIR URUS KUMPULAN WANG AMANAH
PEMBANGUNAN PROJEK ICT SEKTOR AWAM**

TUJUAN

1. Surat Pekeliling ini bertujuan untuk menjelaskan tentang pindaan keahlian Jawatankuasa Kumpulan Wang Amanah Pembangunan Projek ICT Sektor Awam (JKWAICT) dan Jawatankuasa Teknikal Kumpulan Wang Amanah Pembangunan Projek ICT Sektor Awam (JTKWAICT) dalam Tadbir Urus Kumpulan Wang Amanah Pembangunan Projek ICT Sektor Awam (KWAICT) di bawah Pekeliling Transformasi Pentadbiran Awam Bilangan 4 Tahun 2017.

LATAR BELAKANG

2. Pekeliling Transformasi Pentadbiran Awam (PTPA) Bil. 4 Tahun 2017: Pelaksanaan Kumpulan Wang Amanah Pembangunan Projek ICT Sektor Awam (KWAICT) telah diguna pakai bermula 15 November 2017 bagi menjelaskan tentang pengurusan KWAICT.

3. Penubuhan KWAICT bertujuan untuk menggalakkan pembangunan projek ICT menggunakan kepakaran dalaman dan memberikan ganjaran kepada pasukan projek yang berjaya menjimatkan kos bagi Kerajaan. KWAICT ini juga bertujuan untuk meningkatkan kepakaran dalaman melalui pembiayaan Program Peningkatan Kompetensi dan Profesionalisme Pegawai Skim Perkhidmatan Teknologi Maklumat Sektor Awam. Bagi menggalakkan lebih banyak penghasilan produk ICT tempatan, KWAICT juga menyediakan pembiayaan Program Penyelidikan dan Pembangunan ICT (R & D ICT) Sektor Awam.

4. Penubuhan KWAICT adalah berdasarkan Surat Ikatan Amanah bagi Kumpulan Wang Amanah Pembangunan Projek ICT Sektor Awam di bawah Seksyen 10 Akta Tatacara Kewangan 1957 pada 13 Jun 2013.

5. Walau bagaimanapun, Surat Ikatan Amanah KWAICT yang baharu telah dikeluarkan pada 13 November 2018 berikutan daripada:

- (i) perubahan lanskap sektor awam yang melibatkan pertukaran nama kementerian dan pengwujudan kementerian baharu; dan
- (ii) penggantian keahlian Ketua Audit Negara kepada Setiausaha Bahagian Audit Dalam, Jabatan Perdana Menteri dalam JKWAICT atas dasar ketelusan, akauntabiliti dan untuk mengelakkan konflik kepentingan (conflict of interest) ke arah tadbir urus yang baik (good governance).

KEAHLIAH JKWAICT DAN JTKWAICT DALAM TADBIR URUS KWAICT

6. KWAICT ditadbir melalui dua jawatankuasa utama iaitu Jawatankuasa Kumpulan Wang Amanah Pembangunan Projek ICT Sektor Awam (JKWAICT) dan Jawatankuasa Teknikal Kumpulan Wang Amanah Pembangunan Projek ICT Sektor Awam (JTKWAICT).

7. JKWAICT dipengerusikan oleh Ketua Setiausaha Negara. Keahlian jawatankuasa dan terma rujukan bagi JKWAICT seperti dalam Lampiran A.

8. JTKWAICT dipengerusikan oleh Ketua Pengarah Unit Pemodenan Tadbiran dan Perancangan Pengurusan Malaysia (MAMPU), Jabatan Perdana Menteri. Keahlian jawatankuasa dan terma rujukan bagi JTKWAICT seperti dalam Lampiran B.

PEMAKAIAN

9. Surat pekeliling ini terpakai kepada semua Kementerian, Jabatan dan Agensi Kerajaan Persekutuan. Tertakluk kepada penerimaannya oleh pihak berkuasa masing-masing, peruntukan pekeliling ini dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

TARIKH BERKUAT KUASA

10. Surat pekeliling ini berkuat kuasa mulai tarikh dikeluarkan dan terpakai hingga dibatalkan, melainkan jika terdapat arahan terkini atau perkembangan baharu yang memerlukan dikaji semula.

PERTANYAAN

11. Sebarang pertanyaan mengenai pekeliling ini boleh dikemukakan kepada:

Unit Pemodenan Tadbiran dan Perancangan Pengurusan Malaysia (MAMPU),
Jabatan Perdana Menteri,
Aras 6, Blok B2, Kompleks Jabatan Perdana Menteri,
Pusat Pentadbiran Kerajaan Persekutuan,
62502 Putrajaya.

No. Telefon : 03-8000 8000

No. Faksimili : 03-8888 3721

E-mel : webmaster@mampu.gov.my

Laman Web : <http://www.mampu.gov.my>

“BERKHIDMAT UNTUK NEGARA”

Saya yang menjalankan amanah,



DR. ISMAIL BIN HJ. BAKAR

Ketua Setiausaha Negara

29 April 2019

MAMPU.600-1/4/2 (6)

Diedarkan kepada:

Semua Ketua Setiausaha Kementerian

Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun Persekutuan dan Negeri

Semua Pihak Berkuasa Tempatan

SENARAI LAMPIRAN

LAMPIRAN	TAJUK
----------	-------

- | | |
|---|--|
| A | Jawatankuasa Kumpulan Wang Amanah Pembangunan Projek ICT Sektor Awam (JKWAICT) |
| B | Jawatankuasa Teknikal Kumpulan Wang Amanah Pembangunan Projek ICT Sektor Awam (JTKWAICT) |

**JAWATANKUASA KUMPULAN WANG AMANAH
PEMBANGUNAN PROJEK ICT SEKTOR AWAM (JKWAICT)**

1. Keahlian jawatankuasa adalah seperti yang berikut:

Pengerusi:

Ketua Setiausaha Negara

Ahli:

- (i) Timbalan Ketua Setiausaha Kanan, Jabatan Perdana Menteri;
- (ii) Ketua Pengarah Perkhidmatan Awam;
- (iii) Ketua Setiausaha Perbendaharaan;
- * (iv) Ketua Setiausaha Kementerian Tenaga, Sains, Teknologi, Alam Sekitar dan Perubahan Iklim;
- * (v) Ketua Setiausaha, Kementerian Hal Ehwal Ekonomi;
- (vi) Ketua Pengarah Unit Pemodenan Tadbiran dan Perancangan Pengurusan Malaysia (MAMPU), Jabatan Perdana Menteri; dan
- ** (vii) Setiausaha Bahagian Audit Dalam, Jabatan Perdana Menteri.

Setiausaha:

Pengarah

Bahagian Khidmat Pengurusan, MAMPU, Jabatan Perdana Menteri

Nota:

- * perubahan nama agensi
- ** menggantikan Ketua Audit Negara

2. Terma rujukan dan tanggungjawab jawatankuasa adalah seperti yang berikut:
- (i) Memutuskan dasar dan tatacara berhubung dengan penerimaan dan penggunaan wang dalam Kumpulan Wang ini selaras dengan tujuan penubuhan Kumpulan Wang;
 - (ii) Menentukan semua laporan dan penyata berhubung dengan Kumpulan Wang disediakan dan dikemukakan kepada Jabatan Akauntan Negara Malaysia (JANM), Jabatan Audit Malaysia (JAN) dan Kementerian Kewangan;
 - (iii) Meluluskan Anggaran Perbelanjaan Tahunan dan Anggaran Perbelanjaan Tambahan Kumpulan Wang;
 - (iv) Memastikan bahawa Kumpulan Wang berbaki kredit dan tidak terlebih dikeluarkan semasa meluluskan Anggaran Perbelanjaan Kumpulan Wang;
 - (v) Menentukan amaun untuk dilaburkan dalam simpanan tetap yang ditadbirkan oleh Jabatan Akauntan Negara Malaysia;
 - (vi) Meluluskan permohonan dan pembayaran ganjaran Projek ICT serta pembiayaan program R & D ICT dan kompetensi; dan
 - (vii) Mengadakan mesyuarat sekurang-kurangnya dua kali setahun.

**JAWATANKUASA TEKNIKAL KUMPULAN WANG AMANAH
PEMBANGUNAN PROJEK ICT SEKTOR AWAM (JTKWAICT)**

1. Keahlian jawatankuasa adalah seperti yang berikut:

Pengerusi:

Ketua Pengarah MAMPU

Ahli:

- (i) Timbalan Ketua Pengarah (ICT) MAMPU;
- (ii) Wakil Jabatan Perkhidmatan Awam;
- (iii) Wakil Kementerian Kewangan Malaysia;
- * (iv) Wakil Kementerian Hal Ehwal Ekonomi;
- * (v) Wakil Kementerian Tenaga, Sains, Teknologi, Alam Sekitar dan Perubahan Iklim;
- (vi) Wakil Institut Pengajian Tinggi Awam (IPTA);
- (vii) Ketua Perunding (Strategis), Bahagian Perundingan ICT, MAMPU;
- (viii) Ketua Perunding (Teknikal), Bahagian Perundingan ICT, MAMPU;
- (ix) Ketua Perunding (Pembangunan Sistem), Bahagian Perundingan ICT, MAMPU; dan
- (x) Wakil Bahagian Khidmat Pengurusan, MAMPU.

Setiausaha:

Pengarah

Bahagian Pembangunan Strategik dan Arkitektur ICT, MAMPU

Nota:

- * perubahan nama agensi

2. Terma rujukan dan tanggungjawab jawatankuasa adalah seperti yang berikut:

- (i) Menyemak laporan dan ulasan pencalonan yang dikemukakan oleh agensi;
- (ii) Menilai permohonan;
- (iii) Membuat lawatan pemeriksaan dan perbincangan untuk mendapatkan maklumat tambahan sekiranya diperlukan;
- (iv) Memperakukan permohonan yang berjaya bagi pemberian ganjaran Projek ICT, pembiayaan program Penyelidikan dan Pembangunan (R & D) ICT dan pembiayaan program peningkatan kompetensi;
- (v) Mengemukakan laporan pelaksanaan program-program KWAICT kepada JKWAICT; dan
- (vi) Mengadakan mesyuarat sekurang-kurangnya dua kali setahun atau mengikut keperluan.